

«KazakhExport» ЭСК» АҚ
Директорлар кеңесінің
2018 жылғы 26 қыркүйектегі
№ 8 хаттамасына № 6 қосымша

«KazakhExport» ЭСК» АҚ
Директорлар кеңесінің
2018 жылғы «26» қыркүйектегі,
№ 8 хаттама, шешімімен бекітілді

**«Қазақстанның экспорттық-кредиттік агенттігі»
акционерлік қоғамында сыртқы аудитті ұйымдастыру және жүргізу
саясаты**
(27.06.2024 ж. жағдай бойынша өзгерістермен)

Астана, 2018 жыл

ІНҚ БОЙЫНША ТҮЙІНДЕМЕ

ІНҚ атауы	«Қазақстанның экспорттық-кредиттік агенттігі» акционерлік қоғамында сыртқы аудитті ұйымдастыру және жүргізу жөніндегі саясат
ІНҚ иесі	Ішкі аудит қызметі
Қолжетімділік деңгейі	Жалпыға қолжетімді
Құрылымдық бөлімшелерді ІНҚ-мен таныстыру жөніндегі іс-шаралар	ІНҚ «Ішкі портал» желілік дискісіне орналастырылған күннен бастап 1 (бір) жұмыс күні ішінде электрондық пошта арқылы жіберу
Енгізілген өзгерістер мен толықтырулар:	
Директорлар кеңесінің шешіміне сәйкес өзгертулер мен толықтырулар енгізілді	«27» маусым 2024 жыл, № 10

МАЗМҰНЫ

1-тарау. Жалпы ережелер.....	4
2-тарау. Сыртқы аудитті ұйымдастырудың негізгі талаптары мен тәртібі.....	5
3-тарау. Сыртқы аудитордың қаржылық есептілік аудитін және аудиторлық емес қызметтерді көрсетудегі мүдделер қақтығысы	6
4-тарау. Қоғамның Директорлар кеңесінің Аудит комитетіне сыртқы аудитор туралы ақпарат беру	8
5-тарау. Сыртқы аудитті жүргізу кезінде жоба бойынша серіктесті ротациялау.....	8
6-тарау. Сыртқы аудитор қызметкерлерін Қоғамға жұмысқа қабылдау	8
7-тарау. Аудиттелген қаржылық есептілікті ұсыну және жариялауға қойылатын талаптар.....	8
8-тарау. Сыртқы аудитордың жыл сайынғы растауы.....	9
9-тарау. Қорытынды ережелер.....	9

1-тарау. Жалпы ережелер

1. Осы «Қазақстанның экспорттық – кредиттік агенттігі» акционерлік қоғамында (бұдан әрі-Қоғам) сыртқы аудитті ұйымдастыру және жүргізу жөніндегі саясаты (бұдан әрі – Саясат) Қазақстан Республикасының заңнамасына, Қоғамның Жарғысына, Қоғамның ішкі нормативтік құжаттарына, сондай-ақ Қазақстан Республикасы мойындаған қаржылық есептілік пен аудиттің халықаралық стандарттарына сәйкес әзірленді.

2. Осы саясаттың мақсаты - аудиторлық ұйымдардың қызметтерін (аудиторлық ұйымдар көрсететін аудиторлық емес қызметтерді қоса алғанда) тарту бойынша тиімді қызметті ұйымдастыру, сондай-ақ оларды таңдау бойынша жалпы қабылданған рәсімдерді енгізу, аудиторлық және аудиторлық емес қызметтерді ұсыну кезінде Қоғамның аудиторларының тәуелсіздік мәртебесін сақтауын қамтамасыз ету және мүдделер қақтығысын болдырмау.

3. Сыртқы аудитті ұйымдастыру мынадай қағидаттарға негізделеді:

- 1) шыншылдық;
- 2) объективтілік;
- 3) кәсіби құзыреттілік;
- 4) құпиялылық;
- 5) кәсіби жүріс-тұрысы;
- 6) тәуелсіздік;
- 7) кәсіби стандарттар.

4. Осы саясатта мынадай терминдер мен анықтамалар қолданылады:

1) аудитор - аудиторлыққа кандидаттарды аттестаттау жөніндегі біліктілік комиссиясы аттестаттаған, «аудитор» біліктілігін беру туралы біліктілік куәлігін алған жеке тұлға;

2) аудиторлық қызмет - қаржылық есептілікке және қаржылық есептілікке байланысты басқа ақпаратқа аудит жүргізу және қызмет бейіні бойынша қызметтер көрсету жөніндегі кәсіпкерлік қызмет;

3) аудиторлық есеп - жүргізілген аудиттің нәтижесі болып табылатын жазбаша ресми құжат;

4) аудиторлық ұйым (бұдан әрі - сыртқы аудитор) - Қоғамның аудитін, оның ішінде тек оны ғана емес, қаржылық есептілік аудитін және/немесе квазимемлекеттік сектор субъектісінің арнаулы мақсаттағы аудитін және/немесе салықтар бойынша аудитті жүргізетін немесе осы аудитті жүргізу үшін тартылуы мүмкін аудиторлық ұйым;

5) квазимемлекеттік сектор субъектілерінің арнайы мақсаттағы аудит - бюджет қаражатын пайдалану мәселесі жөніндегі аудит;

6) салық аудиті - уәкілетті мемлекеттік орган айқындайтын тәртіппен жүргізілетін салықтардың және бюджетке төленетін басқа да міндетті төлемдердің барлық түрлері бойынша есептеудің және төлеудің дұрыстығы, міндетті зейнетақы жарналарын, міндетті кәсіптік зейнетақы жарналарын есептеудің, ұстап қалудың және аударудың толықтығы мен уақтылығы, әлеуметтік аударымдарды есептеу мен төлеудің толықтығы мен уақтылығы мәселесі бойынша аудит;http://online.zakon.kz/Document/?doc_id=33879852

7) сыртқы аудит - Қоғамның сыртқы аудитор жүргізетін аудиті;

8) Этика кодексі - аудиторлардың кәсіби қызметінің этикалық қағидаларының жиынтығы

9) Қоғамның Директорлар кеңесінің Аудит комитеті - Директорлар кеңесіне Қоғамның қаржы-шаруашылық қызметін бақылаудың тиімді жүйесін (оның ішінде қаржылық есептіліктің толықтығы мен дұрыстығын) белгілеу, ішкі бақылау және тәуекелдерді басқару жүйелерінің сенімділігі мен тиімділігіне мониторинг жүргізу, сондай-ақ корпоративтік басқару саласындағы құжаттардың орындалуына мониторинг жүргізу, сыртқы және ішкі аудиттің тәуелсіздігін бақылау жөнінде ұсынымдар дайындау арқылы Директорлар кеңесі жұмысының тиімділігі мен сапасын арттыру мақсатында құрылған,

Қоғамның Директорлар кеңесінің тұрақты жұмыс істейтін кеңес беретін - мәжіліс органы;

10) мүдделер қақтығысы- аудиторлық ұйымның мүддесі Қоғамның қаржылық есептілігінің дұрыстығы туралы пікіріне әсер етуі мүмкін жағдай.

11) Халықаралық қаржылық есептілік стандарттары (ХҚЕС) - халықаралық қаржылық есептілік стандарттары жөніндегі кеңес бекіткен қаржылық есептілік стандарттары;

12) жоба бойынша серіктес-аудит үшін, сондай-ақ сыртқы аудитордың атынан шығарылған есеп (қорытынды) үшін жауапты серіктес немесе сыртқы аудитордың басқа да тұлғалары;

13) басшылыққа хат - сыртқы аудитордың бухгалтерлік есепте қателіктерге әкелуі мүмкін бухгалтерлік есеп және ішкі бақылау жүйелеріндегі кемшіліктер туралы ақпаратпен және анықталған кемшіліктерді түзету бойынша тиісті ұсыныстары бар Қоғам басшылығына жолданатын жазбаша өтініш;

14) қаржылық есептілік - бұл қаржылық жағдай, қызмет нәтижелері және қоғамның қаржылық жағдайындағы өзгерістер туралы ақпарат;

15) Жалғыз акционер – «Бәйтерек» ұлттық басқарушы холдингі» акционерлік қоғамы;

Осы бөлімде көрсетілмеген, бірақ осы Саясаттың мәтіні бойынша қолданылатын ұғымдардың, терминдердің, анықтамалар мен қысқартулардың Қазақстан Республикасының заңнамасына және/немесе Қоғамның ішкі құжаттарына сәйкес анықтамалары болады.

5. Сыртқы аудитор бухгалтерлердің халықаралық федерациясы жанындағы халықаралық аудиторлық практика жөніндегі комитеттен Қазақстан Республикасында ресми жариялауға жазбаша рұқсаты бар ұйым мемлекеттік және орыс тілдерінде жариялаған Қазақстан Республикасының заңнамасына қайшы келмейтін халықаралық аудит стандарттарына сәйкес кәсіби қызметтерді орындайды.

2-тарау. Сыртқы аудитті ұйымдастырудың негізгі талаптары мен тәртібі

6. Қоғамның сыртқы аудитін ұйымдастыру мақсатында Қазақстан Республикасының заңнамасына сәйкес және қоғамның тауарларды, жұмыстар мен көрсетілетін қызметтерді сатып алуды жүзеге асыруды регламенттейтін ішкі құжатында көзделген тәртіппен мынадай рәсімдер жүзеге асырылады:

- 1) сыртқы аудитордың қызметтерін сатып алу рәсімдерін жүргізу;
- 2) сыртқы аудиторды және оның қызметтеріне ақы төлеу мөлшерін айқындау;
- 3) аудит жүргізу шартын жасасу.

7. Қазақстан Республикасы заңнамасының талаптарын сақтай отырып, Қоғамның ішкі құжаттарында белгіленген тәртіппен сыртқы аудит қызметтерін ұзақ мерзімді сатып алуды жүзеге асыруға болады.

8. Қоғамның аудиті Директорлар кеңесінің, Қоғам Басқармасының бастамасы бойынша не Жалғыз акционердің талабы бойынша жүргізілуі мүмкін, бұл ретте Жалғыз акционер аудиторлық ұйымды өз бетінше айқындауға құқылы.

9. Аудит жүргізуге арналған Шарт Қазақстан Республикасы заңнамасының талаптарына және Қоғамның ішкі құжаттарына сәйкес жасалады.

10-тармақ Директорлар кеңесінің 2024 жылғы «27» маусымдағы шешімімен бекітілген редакцияда жазылды (№10 хаттама)

10. Квазимемлекеттік сектор субъектілерінің арнайы мақсаттағы аудитін (бұдан әрі – арнайы мақсаттағы аудит) жүргізу мақсатында Қоғам Холдингті жоспарланатын жылдың алдындағы жылдың 1 қазанына дейін арнайы мақсаттағы аудит жүргізуді жоспарлау туралы хабардар етеді.

11. Арнайы мақсаттағы аудит мемлекеттік аудит және қаржылық бақылау органдарымен аудитпен қамтылған кезеңде жүргізілмейді.

12. Арнайы мақсаттағы жүргізілген аудит нәтижелері бойынша аудиторлық қорытынды Холдингке жеткізілуге тиіс.

13. Қоғам салықтар бойынша аудитті қажеттілігіне қарай Қазақстан Республикасының заңнамасына сәйкес жүргізеді.

14. Қоғамның сыртқы аудиторлары мен Ішкі аудит қызметіне (бұдан әрі - ІАҚ) қосарланған жұмысты тиісінше қамтуды және барынша азайтуды қамтамасыз ету мақсатында өз қызметінің жоспарлары мен нәтижелері туралы ақпарат алмасуға рұқсат етіледі.

Сыртқы аудиторға оның сұрауы бойынша ІАҚ қызметінің нәтижелері туралы бекітілген есептерге, басшылықтың осы есептерге жауаптарына және ІАҚ және сыртқы аудиторлардың ұсынымдары бойынша түзету іс-қимылдарының орындалуына ІАҚ мониторингінің нәтижелеріне қолжетімділік берілуі мүмкін.

Аудит қорытындысы бойынша сыртқы аудитор өзінің аудиторлық есебінің даналарын (электрондық файлдарын), Қоғам басшылығына хаттарды және олар бойынша презентацияларды ІАҚ-ға жібереді. Басшылыққа есептерді, хаттарды және сыртқы аудитордың ұсынымдарын талдағаннан кейін (бар болса), ІАҚ оларды Қоғамның орындауына мониторингті жүзеге асырады.

Белгілі бір есепті кезеңде көрсетілген аудиторлық қызметтердің қорытындылары бойынша сыртқы аудитор және ІАҚ (қажет болған жағдайда) Қоғамның Директорлар кеңесінің Аудит комитетіне өзінің өзара іс-қимылының нәтижелері мен тиімділігі туралы хабарлайды.

3-тарау. Сыртқы аудитордың қаржылық есептілік аудитін және аудиторлық емес қызметтерді көрсетудегі мүдделер қақтығысы

15. Сыртқы аудиторға «Аудиторлық қызмет туралы» Қазақстан Республикасының Заңында көзделген жағдайларда аудит жүргізуге тыйым салынады.

16. Қызметтерді алу кезінде, сондай-ақ қаржылық есептілік аудиті бойынша қызметтерді сатып алу кезінде Қоғам мыналардың салдарына байланысты сыртқы аудитордың тәуелсіздігіне әсер ететін мүдделер қақтығысы қаупінің (сыртқы аудитордың қызығушылығы оның қаржылық есептіліктің дұрыстығы туралы пікіріне әсер етуі мүмкін жағдайлар) туындау (тәуекел) мүмкіндігін қарауға тиіс:

- 1) бұрын осы сыртқы аудитор көрсеткен қызметтердің сипаты;
- 2) қаржылық есептілікпен қамтылған кезең ішінде немесе одан кейін осы сыртқы аудитормен орнаған қаржылық немесе іскерлік қатынастар.

Қоғамның сыртқы аудитор үшін өзін-өзі бақылау қатерін болдырмау немесе оны қолайлы деңгейге дейін жеткізу үшін шаралар қабылдамауы немесе қабылдауы мүмкін болмаған жағдайда, Қоғам осындай сыртқы аудитор тарапынан қаржылық есептілік аудиті бойынша қызметтер ала алмайды.

17. Этика кодексіне сәйкес осы Саясаттың 19-тармағында айқындалған тізімге сәйкес қаржылық есептіліктің аудитіне байланысты емес бірқатар қызметтерді (аудиторлық емес қызметтерді) көрсету сыртқы аудитордың тәуелсіздігіне әсер ететін мүдделер қақтығысының туындауына әкеп соғуы мүмкін. Бұл ретте, Қоғам қызметтерді алуға мүдделі тұлға ретінде осындай қызметтерді алудан туындайтын кез келген қатердің маңыздылығын бағалауы қажет. Кейбір жағдайларда сақтық шараларын қолдану арқылы оны алып тастауға немесе қолайлы деңгейге дейін төмендетуге болады, ал басқа жағдайларда мұндай қауіпті ешқандай сақтық шараларымен қолайлы деңгейге дейін төмендетуге болмайды.

18. Қаржылық есептілік аудитін, салықтар бойынша аудитті, арнайы мақсаттағы аудитті жүзеге асыратын сыртқы аудитордың пікірінің тәуелсіздігін қамтамасыз ету мақсатында Қоғамның бухгалтерлік есепті жүргізу және қаржылық есептілікті жасау жөніндегі осы аудитордың қызметтерін сатып алуына және/немесе алуына тыйым салынады.

19. Қаржылық есептілік аудитін, салықтар бойынша аудитті, арнайы мақсаттағы

аудитті жүзеге асыратын сыртқы аудитор алатын қызметтердің мынадай түрлері бойынша оның тәуелсіздігіне әсер ететін мүдделер қақтығысы туындауы мүмкін:

1) Салық салу саласындағы қызметтер - әдетте, сыртқы аудитор үшін тәуелсіздік қатерінің туындауына әкеп соқпайды;

2) Ақпараттық қызметтер - Қоғамның қаржылық есептіліктің құрамына кіретін ақпаратты өңдеу үшін пайдаланылатын ақпараттық-технологиялық жүйелерді әзірлеуге және енгізуге байланысты қызметтер алуы, сыртқы аудитордың тәуелсіздігіне қауіп төндіруі мүмкін, осыған байланысты Қоғам мыналарды қамтамасыз ететін тиісті сақтану шараларын қабылдауы тиіс:

- Қоғамның лауазымды тұлғасының ішкі бақылау жүйесін құру, ұстау және мониторинг үшін өзінің жауапкершілігін барын мойындауы;
- Қоғамның лауазымды тұлғасының бағдарламалық құралдарды әзірлеуге және енгізуге қатысты барлық басқарушылық шешімдерді қабылдауға жауапты жоғары буын басшылығы қатарынан құзыретті қызметкерді тағайындауы;
- Қоғамның лауазымды тұлғасының бағдарламалық құралдарды әзірлеу және енгізу бөлігінде барлық басқарушылық шешімдерді өз бетінше қабылдауы;
- Қоғамның лауазымды тұлғасының жүйелерді әзірлеу мен енгізудің барабарлығы мен нәтижелерін бағалауы;
- Қоғамның лауазымды тұлғасының жүйелерді пайдаланғаны үшін және жүйелер пайдаланатын немесе жасайтын деректер үшін жауапкершілікті қабылдауы.

3) Қоғамның ішкі бақылау жүйелерін және тәуекелдерді басқару жүйесін бағалау және әзірлеу жөніндегі қызметтерді алу - сыртқы аудитордың персоналы басқару функцияларын орындамаған жағдайда сыртқы аудитордың тәуелсіздігіне қауіп төндірмейді;

4) Заң қызметтері - Қоғамның қаржылық есептілікке елеулі әсер етпейтін мәселелер бойынша заң қызметтерін алуы сыртқы аудитордың тәуелсіздігіне қолайсыз қауіп төндіретін фактор болып табылмайды.

Қоғам қандай да бір салада көмек алу мақсатында алатын заң қызметтері (мысалы, шарт жасау, заңгерлік кеңес беру, заң сараптамасы немесе қайта құру бойынша кеңестер) сыртқы аудитор үшін өзін-өзі бақылау қаупін тудыруы мүмкін, бірақ мұндай қауіпті қолайлы деңгейге дейін төмендететін сақтық шаралары қабылдана алады. Мұндай қызметтер мына шарттар сақталса, сыртқы аудитордың тәуелсіздігіне теріс әсер етпейді:

- сыртқы аудитті жүзеге асыратын топ мүшелері бұл қызметтерді көрсетуге қатыспайды;
- кеңес беру қызметін алған кезде Қоғам түпкілікті шешім қабылдайды.

20. Егер Қоғамның сыртқы аудитор арқылы алатын төрелік дауларды қараудағы көмегі (мысалы, сараптама, сот дауының нәтижелері бойынша Қоғам төлей алатын немесе ала алатын болжамды залалды немесе басқа сомаларды бағалау, сондай-ақ іс қағаздарын жүргізуге, сот дауы үшін құжаттарды іздеуге және жасауға көмектесу) Қоғамның қаржылық есептілігінде көрсетілуі тиіс сомаларға немесе деректерге әсер ететін даудың ықтимал нәтижесін бағалауды қамтыса, онда сыртқы аудитор үшін өзін-өзі бақылау қаупі туындауы мүмкін. Қауіптердің мыналар сияқты факторларға байланысы:

- 1) даудың мәні болып табылатын соманың маңыздылығы;
- 2) дау нысанындағы субъективизм дәрежесі;
- 3) Банк көрсететін қызметтің сипаты.

21. Егер сыртқы аудитор қолданатын функциялар Қоғамның атынан басқарушылық шешімдер қабылдауды білдірсе, онда туындаған қауіпті кез-келген сақтық шараларын қолдану арқылы қолайлы деңгейге дейін төмендетуге болмайды. Бұл жағдайда Қоғам сыртқы аудитор тарапынан көрсетілетін мұндай қызметтерді алмауы керек.

22. Қоғамның сыртқы аудитордан алатын қызметтері мынадай жағдайларда туындайтын объективтілік пен құпиялылық қағидаттарын бұзбауы керек:

- 1) сыртқы аудитор өзінің аудиторлық компаниясының бәсекелесі ретінде әрекет еткенде немесе қатысушылардың көпшілігі аудиторлық компанияның бәсекелестері болып табылатын бірлескен кәсіпорны немесе ұқсас бірлестіктері болған кезде;
- 2) сыртқы аудитор қоғамға және мүдделері қоғамның қайшылықты мүдделеріне сәйкес келетін немесе мәселелер, операциялар мен мәселелер бойынша бір-бірімен пікірталастар мен пікірталастар жағдайында болатын басқа ұйымдарға қызмет көрсеткен кезде.

4-тарау. Қоғамның Директорлар кеңесінің Аудит комитетіне сыртқы аудитор туралы ақпарат беру

23. Бухгалтерлік есеп және сыртқы аудитор мәселелеріне жетекшілік ететін Қоғамның басшы қызметкері жылына кемінде бір рет Қоғамның Директорлар кеңесінің Аудит комитетіне өткен есепті жылдағы ақпаратты ұсынуды қамтамасыз етеді, оның ішінде мыналар бойынша:

- 1) Қоғамның сыртқы аудиторы көрсеткен аудиторлық қызмет туралы заңнамаға сәйкес өзге де қызметтердің көлемі (қызметтердің әртүрлі санаттары бойынша бөліністе);
- 2) Қоғам сыртқы аудиторға осындай қызметтер көрсеткені үшін төлеген сыйақы (әрбір жеке қызмет үшін және жиынтығында).

5-тарау. Сыртқы аудитті жүргізу кезінде жоба бойынша серіктесті ротациялау

24. Халықаралық тәжірибеге сәйкес, сыртқы аудитор әр бес жыл сайын жоба бойынша серіктесті (аудит үшін негізгі жауапкершілікті) ротациялау қағидатын ұстануы керек.

Егер Қазақстан Республикасының заңнамасына сәйкес және қоғамның тауарларды, жұмыстарды және көрсетілетін қызметтерді сатып алуды жүзеге асыруды регламенттейтін ішкі құжатында көзделген тәртіппен өткен жылы сыртқы аудитті жүзеге асырған сыртқы аудитор таңдалса, мұндай сыртқы аудитор жоба бойынша Серіктестің сабақтастық жоспарын дайындайды, ол Қоғамның Директорлар кеңесінің Аудит комитетінің қарауына ұсынылады.

Жоба бойынша Серіктестің сабақтастық жоспарын дайындау бұрынғыдан басқа басқа сыртқы аудиторды таңдаған жағдайда талап етілмейді.

6-тарау. Сыртқы аудитор қызметкерлерін Қоғамға жұмысқа қабылдау

25. Егер Қоғамның Басқарма мүшесі, Басқарушы директоры немесе бас бухгалтері лауазымына Сыртқы аудитордың қызметкері ретінде Қоғамның міндетті аудитіне қатысатын немесе Қоғамға тағайындалған (сайланған) күннің алдындағы екі жыл ішінде сыртқы аудитордың қызметкері ретінде Қоғамның міндетті аудитіне қатысқан адамды тағайындау (сайлау) көзделген жағдайда, мүдделер қақтығысын болдырмау мақсатында оны тағайындау (сайлау) туралы мәселені одан әрі қарау үшін Қоғамның Директорлар кеңесінің болжамды үміткер бойынша Аудит комитетінің алдын ала мақұлдауын алу талап етіледі.

7-тарау. Аудиттелген қаржылық есептілікті ұсыну және жариялауға қойылатын талаптар

26. Қоғамның қаржылық есептілігіне аудит аяқталғаннан кейін сыртқы аудитор аудит жүргізуге арналған шартта көзделген мерзімдерде аудиторлық есепті және қоғам басшылығына хатты ұсынады.

27. Қоғамның қаржылық есептілігіне түсіндірме жазбаны (ашуды), сондай-ақ

оны Жалғыз акционер немесе Қоғамның ішкі нормативтік актілерінде белгіленген мерзімдерге сәйкес сыртқы аудитор алғаннан кейін басшылыққа хатты қоса алғанда, Қоғам Жалғыз акционерге Қоғамның аудиттелген жылдық қаржылық есептілігін қоса бере отырып аудиторлық есептің данасын немесе көшірмесін қағаз және электронды ақпарат тасығыштарда ұсынуға тиіс.

28. Қоғам қаржылық есептілікті Қазақстан Республикасының заңнамасына сәйкес бұқаралық ақпарат құралдарында (оның ішінде Қоғамның веб-сайтында) жариялайды.

8-тарау. Сыртқы аудитордың жыл сайынғы растауы

29. Сыртқы аудитор Қоғамның Директорлар кеңесінің аудит комитетіне (кемінде жылына бір рет) мыналарды растайды:

- сыртқы аудитордың тәуелсіздігі сақталды;
- сыртқы аудитор мен оның серіктестерінің Қоғамда қаржылық мүдделері жоқ;
- аудиторлық топ мүшелерінің Қоғамда қаржылық мүдделері жоқ;
- осы Саясатта көзделген жағдайларды қоспағанда, қоғам мен сыртқы аудитор арасында қызметтер көрсетудің өзге де жағдайлары жоқ,
- қоғамның сыртқы аудиторға төлейтін сыйақысы төтенше жағдайлардың туындауы негізінде төленбейді;
- Қоғам мен сыртқы аудитор арасында дау жоқ.

9-тарау. Қорытынды ережелер

30. Осы Саясатпен реттелмеген мәселелер Қазақстан Республикасының заңнамасымен, Қоғамның Жарғысымен, Жалғыз акционердің, Директорлар кеңесінің, Қоғамның Директорлар кеңесінің Аудит жөніндегі комитетінің шешімдерімен және Қоғамның басқа да ішкі құжаттарымен реттеледі.

Осы Саясаттың жекелеген ережелерінде қайшылықтар болған жағдайда Қазақстан Республикасының заңнамасына Қазақстан Республикасы заңнамасының нормаларын қолдану қажет.